

Siulersuisut ataatsimiinnerannit imaqarniliaq Oqarasuaatikkut ataatsimiinneq, ulloq 29. oktober 2013

Peqataasut: Siulittaasoq Bjørn Holm (BH), Siulittaasup tullia Karsten Klausen (KK), Erna Thomsen (ET), Henrik Sørensen (HS), Frederik Olsen (FO), Ane Fleischer (AF)

Ataatsimeeqataasinnaanani nalunaartoq: Peter Magnussen (PM)

Allatsit: NIQ pisortaagallartoq Kista Isaksen (KI), NIN pisortaq Mette Barslund (MB), GUQ pisortaq Else Poulsen (EP), GUNIQ pisortanngortussaq Steffen Lund

Immikkut ittumik peqataasut: sulisut sinniisaat Peter Rømer (PR), sulisut sinniisaat Nivi Olsen (NO)

Imaqarniliortoq: Mette Barslund

Oqaluuserisassat akuerineqarnerat

Oqaluuserisassat akuerineqarput.

Siulittaasumit nalunaarutit (BH)

NI-Nuuk Qaqortumut nuunneqarnissaanut Jørgen Wæver-ip siunnersuutaa pillugu siulersuisut qisuariaateqarsimapput. Tamatuma kingorna BH aamma MB Nick Nielsen-imik, ilinniartitaaneq il.il. pillugu Naalackersuisumik ataatsimeeqateqarsimapput, NI-Nuuk nuunneqannginnissaanut patsisaasunut tunngatillugu tunngavilersuutini amerlanerusunik Nick Nielsen piunasaqarsimalluni, Siulersuisunit qaqilerneqartoq tunngavilersuut ilaatigut tassaavoq, pikkorissaanermut immikkoortortaarfik. Ilinniarfiit angisuunngorlugit kattunnissaannut Jørgen Wæver-ip siunnersuutaa tunngaviatigut Naalackersuisumit isumaqatigineqarpoq.

Qullersaqarfik nalunaaruteqarpoq ulloq 28. Oktober 2013, NI1 ilinniartitaaneq akuerisaajunnaartoq, taamaattumillu ilinniartitaanerup pineqartup ilinniarnertuutut qaffasissusillip NI-Nuummit neqeroorutigineqaqqissanngitsoq. Siulersuisut sinnerlugit KK aamma GA qullersaqarfimmik ataatsimeeqateqarput ulloq 29. Oktober. Taamatut aalajangerneq siulersuisunit tupigusuutigineqarpoq, aalajangiinerlu eqqarsaatigeqqinneqassasoq qullersaqarfik siulersuisunit qinnuigineqassaaq. NI1-p atorunnaarsinneqarnerata kingunerissavaa ilinniartitaanerup aqqissuussaanerata ataqatigiikkunnaarnera. Angusassatut isumaqatigiissutip suliarineranut atatillugu ilinniarnertuutut fagit neqeroorutigineqaqqilernissaanut qullersaqarfimmut qaqileqqinnissaa siulersuisut siunniuppaat.

GUNIQ pisortassaatur Steffen Lund atorfinitsinneqarpoq ulloq 1. november. Steffen-ip suleqatiginissaanut siulersuisut qilanaarput.

Angusassatut isumaqatigiissutit

GU-Qaqortoq

GU-Qaqortoq pillugu angusassatut isumaqatigiissutip ilaa EP-mit siulersuisunut saqqummiunneqarpoq – tassunga ilanngullugu immikkut ittumik ilinniartitaanerup ingerlanissaanut aqqiissuussat ingammik qallunaatut, kalaallisut, tuluttut aamma matematik. Ilinniartitaanerit sammivii ersarissarneqassapput, taamaaliornikkut aallaqqaataaniilli ilinniartut sammivimmik eqqortumik toqqaanissaat anguniarlugu. Tamatuma saniatigut pisinissaq kissaatigineqarpoq makkunanga pequtit, allattarfissuit/smartboards, qarasaasiat angallattakkat il.il.

Aammattaaq angusassatut isumaqatigiissummut ilanngunneqarsimavoq GUNIQ ataatsimut qarasaasiatigut aqqiivigineqarnissaa, taamaalilluni ilinniartit marluusut ataatsimut qarasaasiakkut naapiffeqarnissaannut pisariaqartitsineq aqqiiviginiarlugu.

NI-Qaqortoq

Angusassatut isumaqatigiissummut siunnersuutitut ilanngunneqarsimavoq Sullissinermi assistent-itut ilinniartitaanerup (Service-assistent) neqeroorutigineqarnissaa illoqarfanni minnerni nunaqarfinnilu sulisunik piginnaanilinnik sulisoqarnissamik pisariaqartitsineq isumaginiarlugu. TNI-ilinniartitaanerup nutarternissaa. Aammattaaq siunnersuutigineqarpoq AU Retail neqeroorutigineqarnissaa 2015 aallarnerfigalugu. Issittumi takornarissanik nassuiaassisutut ilinniartitaanerup iluani qaffasinnerusumik neqerooruteqarnissaaq maannakkut misissuiffigineqarpoq ilaatigut takornarialerisut nunanit allaneersut suleqatigalugit.

Aammattaaq sulissutigineqarpoq sanaartortoqarnissaa kr. 55 mio nalilinnik. INI Sanaartornermut suliaqartut Qaqortumiissimapput sanaartornissamut pilersaarutit takusarlugit.

Siulersuisunit siunnersuutigineqarpoq, angusassatut isumaqatigiissummi tullerriaarisooqassasoq, qullersaqarfimmik isumaqatiginninniarnissamut allattukkat atorneqassammata.

NI-Nuuk

Suliniutitut nutaatut taaneqarsinnaavoq inuusuttut qaffassarnissaannut “Aasaanerani ilinniarneq” (Summer School) – angusassatut isumaqatigiissummi takuneqarsinnaavoq, suliniut taanna aningaasalersorneqassasoq taxameterordning aqqutigalugu. Aammattaaq siunniunneqarpoq TNI Flex pilersinneqassasoq, tamatumalu saniatigut angusassatut isumaqatigiissummut ilanngunneqassaaq AU-mi toqqagaq nutaaq pilersinneqassasoq kiisalu Allaffissornikkut ilinniagartuutut ilinniartitaanerup pilersinnissaanut siunnersuut.

Angusassatut isumaqatigiissutit iluarsaanneqareerpata siulersuisunut nassiunneqassapput. Nassiunneqassapput kingusinnerpaamik sap.ak. 45. Tamatuma kingorna angusassatut isumaqatigiissutit qullersaqarfimmut nassiunneqassapput.

Illup iluani aamma avataanut attaveqatigiinneq

Inernerit siulersuisut qarasaasiakkut quppersagaannut ilineqarput. Suliffeqarfiit siunnersuisooqatigiivi-Ataatsimut ataatsimiissapput kiisalu Ataatsimeersuassallutik sap.ak. 47 Nuummi.

Siulersuisut tullianik ataatsimiissapput sap.ak. naanerani ulloq 7. aamma 8. November Narsarsuarimi. Takorluukkat, suliasat, iliuusissat aamma siulersuisut malittarisassaasat pillugit uani ataatsimiinnermut atatillugu siunnersortimik atuinnissamut periarfissat pillugit MB misissuissaaq.

Tamalaat

Siulersuisunit taperserneqarpoq NI-Nuuk aamma Ilisimatusarfiup suleqatigiinnerat HA-ilinniartitaanerup nunatsinni pilersinneqarnissaa pillugu. MB qullersaqarfimmut allagaqaateqassaaq.

Bjørn Holm
Siulittaasoq

Karsten Klausen
Siulittaasup tullia

Henrik Sørensen

Erna Thomsen

Ane Fleischer

Peter Magnussen

Frederik Olsen

Nivi Olsen

Peter Rømer

Kista Isaksen

Mette Barslund

Else Poulsen